

Na osnovu člana 18. tačka b. Ustava Kantona Sarajevo ("Službene novine Kantona Sarajevo", broj 1/96, 2/96, 3/96, 16/97, 14/00, 4/01 i 28/04), Skupština Kantona Sarajevo, na sjednici od 23. marta 2006. godine, donijela je

## ODLUKU

### O USVAJANJU PROJEKTA "OPSADA I ODBRANA SARAJEVA 1992-1995. GODINE "

#### I.

Ovom Odlukom usvaja se Projekt "Opsada i odbrana Sarajeva u periodu od 1992. -1995.godine" (u daljnjem tekstu: Projekt).

#### II.

Projekt se sastoji od 10 (deset) potprojekata i to :

1. Potprojekat obilježavanja značajnih događaja, datuma i ličnosti iz perioda odbrambeno-oslobodilačkog rata 1992 -1995.godine; (Kalendar za obilježavanje u kojem se definišu značajni događaji, datumi i ličnosti, nivoi obilježavanja kao i nosioci obilježavanja);
2. Potprojekat izgradnje centralnog spomen obilježja svim poginulim braniteljima opkoljenog Sarajeva;
3. Potprojekat izgradnje spomen obilježja svoj djeci opkoljenog grada Sarajeva;
4. Potprojekat sanacije i stavljanja u funkciju D-B tunela;
5. Potprojekat "Igmanski put spasa"
6. Potprojekat obilježavanja vatrenih tačaka opsade i odbrane Sarajeva;
7. Potprojekat obilježavanja mjesta većih stradanja u Sarajevu;
8. Potprojekat izgradnje memorijalnog centra "Žuč"
9. Potprojekat "Pisana riječ u funkciji da se ne zaboravi 1992 -1995.
10. Potprojekat sanacije i obnove ratnog mosta na rijeci Željeznici".

#### III.

Ministarstvo za boračka pitanja će uz saglasnost Vlade Kantona Sarajevo imenovati Koordinaciono tijelo čiji je zadatak da prati implementaciju Projekta.

Koordinaciono tijelo može imati Stručne komisije za svaki potprojekat, čiji je zadatak da pripremi podloge za potprojekte i pruži sve potrebne informacije i obrazloženja za potprojekte.

Stručne komisije imenuje ministar za boračka pitanja, uvažavajući mišljenje i sugestije nosilaca aktivnosti za realizaciju potprojekata iz ove Odluke.

#### IV.

U cilju efikasne pripreme, planiranja, izrade idejnih i izvedbenih rješenja za potprojekte ovom odlukom utvrđuju se nosioci aktivnosti za svaki od potprojekata kako slijedi:

1.1 Potprojekt obilježavanja značajnih događaja, datuma i ličnosti iz perioda odbrambeno-oslobodilačkog rata 1992 -1995.godine (Kalendar za obilježavanje u kojem se definišu značajni događaji, datumi i ličnosti, nivoi i nosioci obilježavanja);

Nosilac aktivnosti: Ministarstvo za boračka pitanja Kantona Sarajevo

1.2 Potprojekt izgradnje centralnog spomen obilježja svim poginulim braniteljima opkoljenog Sarajeva;

Nosilac aktivnosti: Ministarstvo za boračka pitanja Kantona Sarajevo, Grad Sarajevo, općine Stari Grad i Centar

1.3 Potprojekt izgradnje spomen obilježja svoj djeci opkoljenog grada Sarajeva;

Nosilac aktivnosti: Ministarstvo za boračka pitanja Kantona Sarajevo, Grad Sarajevo, po potrebi općina na kojoj se Potprojekt izvodi

1.4 Potprojekt sanacije i stavljanja u funkciju D-B tunela;

Nosilac aktivnosti: Ministarstvo za boračka pitanja Kantona Sarajevo, Grad Sarajevo, općine Novi Grad i Ilidža

1.5 Potprojekt "Igmanski put spasa"

Nosilac aktivnosti: Zavod za planiranje Kantona Sarajevo (putem redovne izrade prostorno-planske dokumentacije).

Koordinacija: Ministarstvo za boračka pitanja Kantona Sarajevo i Federalno ministarstvo prostornog uređenja, Ministarstvo prometa i komunikacija Kantona Sarajevo i Općina Ilidža.

1.6 Potprojekt obilježavanja vatrenih tačaka opsade i odbrane Sarajeva;

Nosilac aktivnosti: Zavod za planiranje Kantona Sarajevo i Ministarstvo za boračka pitanja Kantona Sarajevo

1.7 Potprojekt obilježavanja mjesta većih stradanja u Sarajevu;

Nosilac aktivnosti: Zavod za planiranje Kantona Sarajevo, Zavod za izgradnju Kantona Sarajevo i Ministarstvo za boračka pitanja Kantona Sarajevo

1.8 Potprojekt izgradnje memorijalnog centra "Žuč"

Nosilac aktivnosti: Vlada Kantona Sarajevo (putem redovne izrade prostorno-planske dokumentacije)

1.9 Potprojekt "Pisana riječ u funkciji da se ne zaboravi 1992 -1995.

Nosilac aktivnosti: Ministarstvo za boračka pitanja Kantona Sarajevo

1.10 Potprojekt sanacije i obnove ratnog mosta na rijeci Željeznici;

Nosilac aktivnosti: Ministarstvo za boračka pitanja, Ministarstvo prometa i komunikacija, Zavod za planiranje razvoja Kantona i Općina Ilidža".

V.

Nadležna ministarstva iz domena sadržaja projekta i potprojekta dužna su prikupiti svu pisanu građu i druge podatke iz perioda od 1991. - do maja 1995. godine i staviti ih na raspolaganje Ministarstvu za boračka pitanja do 31. 5. 2006. godine.

VI.

Nosioci aktivnosti potprojekta iz tačke IV od 1.1 do 1.10 će svoje Izvještaje o provedenim mjerama i aktivnostima u realizaciji potprojekta dostaviti Ministarstvu za boračka pitanja do 31. 5. 2006. godine, nakon čega će Ministarstvo za boračka pitanja pripremiti Informaciju koju će razmatrati Vlada Kantona Sarajevo i Skupština Kantona Sarajevo.

VII.

Koordinaciono tijelo projekta dužno je da prati i koordinira rad stručnih komisija, vrši sve pripremne radnje i aktivnosti vezano za realizaciju Projekta i svih potprojekta.

Stručne komisije dužne su pripremiti sve potrebne informacije, elaborate i druge bitne elemente nosiocima aktivnosti iz tačke IV. ove Odluke, na njihov zahtjev.

VIII.

Sredstva za rad Koordinacionog tijela projekta i Stručnih komisija će se obezbijediti iz Budžeta Kantona Sarajevo sa pozicije Ministarstva za boračka pitanja Kantona Sarajevo, a ista će se realizovati nakon završenih radnji i aktivnosti iz tačke VII. ove Odluke.

IX.

Naknadu za rad Koordinacionom tijelu projekta i Stručnim komisijama će odrediti Vlada Kantona Sarajevo svojim posebnim zaključkom, na prijedlog Ministarstva za boračka pitanja Kantona Sarajevo.

X.

Sve radnje nosioca aktivnosti, Koordinacionog tijela i stručnih komisija moraju se uskladiti sa pozitivnim zakonskim propisima, po oblastima i aktivnostima koje se provode.

XI.

Ova Odluka stupa na snagu danom objavljivanja u "Službenim novinama Kantona Sarajevo".

Broj 01-05-12591/06  
23. marta 2006. godine  
Sarajevo

Predsjedavajuća  
Skupštine Kantona Sarajevo  
**Meliha Alić**, s. r.